

## Paerewa Paetae

**Aronga** Te Reo Rangatira 3.5

**Ingoa** Te whakarite i te whaikōrero rangatira

**Kaupae** 3 **Whiwhinga** 5 **Aromatawai** Ā-rotō

**Marau akoranga** Te Marautanga o Aotearoa

**Kokonga akoranga** Te Reo Rangatira

**Mana rēhita** Kua rēhitatia **Te rā i mana ai** 19 Whiringa-ā-rangi 2015

**Te rā e arotakengia ai** 31 Hakihea 2020 **Te rā i puta ai** 19 Whiringa-ā-rangi 2015

### Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*ā-Waha, Puna Reo*

2 *Ka whakaputa i ngā kupu, ngā kīanga me ngā rerenga hei whakapuaki kare ā-rotō.*

*ā-Waha, Rautaki Reo*

3 *Ka hanga kōrero kia whai i tāna ake whakatakoto hei whakatairanga, hei whakaniko, hei whakanui i tētahi āhuatanga.*

4 *Ka tautohu, ka arohaehae i ngā tino āhuatanga o te reo me te whakaaturanga a te kaikōrero.*

*ā-Tinana, Āheinga Reo*

1 *Ka mārama ki te reo ā-tinana i ngā horopaki huhua ahakoa ōpaki, ōkawa rānei.*

2 *Ka whakamahi i ngā āhuatanga katoa o te reo me te tinana hei whakatau tika i ngā take, hei whakawhitiwhiti whakaaro, kare ā-rotō, me te mōhiohio.*

*ā-Tinana, Rautaki Reo*

3 *Ka hāngai te reo ā-waha me te reo ā-tinana ki te kaupapa.*

E hono ana ki te Papa Whakaako mō Te Reo Māori kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

## Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Paerewa Paetae

<p><b>Paetae</b> Te whakarite i te whaikōrero rangatira.</p>	<p>Hei tohu i te paetae:</p> <ul style="list-style-type: none"> <li>• Ka whakamahi i ngā tikanga whaikōrero me te reo peha.</li> <li>• Ka whakaraupapa i ngā whakaaro kia huri ai tētahi kaupapa hei whaikōrero rangatira.</li> </ul>
<p><b>Kaiaka</b> He kaiaka te whakarite i te whaikōrero rangatira.</p>	<p>Hei tohu i te kaiaka:</p> <ul style="list-style-type: none"> <li>• Ka āta whakamahi i ngā tikanga o te whaikōrero me te reo peha hei taunaki i te kaupapa.</li> <li>• Ka āta whakaraupapa, ka āta tautoko i ngā whakaaro kia rata ai te hunga whakarongo ki te kōkiritanga o te whaikōrero.</li> </ul>
<p><b>Kairangi</b> He kairangi te whakarite i te whaikōrero rangatira.</p>	<p>Hei tohu i te kairangi:</p> <ul style="list-style-type: none"> <li>• Ka nanakia te whakariterite i ngā tikanga o te whaikōrero e mīharo ai te hunga whakarongo.</li> <li>• Ka āta whakamahi i te reo peha me te reo-ā-tinana e ohore ai, e mārama ai te hunga whakarongo.</li> <li>• Ka nanakia te whakaraupapa i ngā whakaaro hei whakapakepake atu, hei pātaritari atu i te hunga whakarongo.</li> </ul>

### Kōrero Āpiti

1 E whai ake nei ngā whakamārama o ngā tino kupu, kīanga rānei:

tikanga whaikōrero	Ko ngā tino wāhanga o te whaikōrero: tauparapara, mihi ki te hunga mate, mihi ki te hunga ora, kaupapa.
reo peha	Ko ngā nuka reo, arā, ko te pepeha, ko te whakataukī, ko te kīwaha, ko te kupu whakarite, ko te aha, ko te aha.
kōkiritanga	Ko te tino whai a te whaikōrero.
ohore	Ka oho te ngākau o te hunga whakarongo i te nanakia, i te auahatanga o te raupapa kōrero.
pātaritari	Ka āta poapoa i te hunga whakarongo kia whakaae mai ki te kōkiritanga o te whaikōrero.

2 Ko te aronga matua o te paerewa nei, ko te whakarite me te kōrero i te whaikōrero rangatira e rite ai ki te taumata e matea ana i te whakataetae Pei Te Hurinui.

3 Ko ētahi o ngā tino mahi mā te ākongā, ko te ako i ngā tikanga o te whaikōrero me te āta rangahau i te kaupapa, hei reira whakariterite ai i te raupapa kōrero e rata rawa ai te hunga whakarongo.

### Kuputaka:

reo peha	figurative language
nanakia	well-crafted, original
whakapakepake	persuade

---

### Tātari Kōunga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233